

武英殿聚珍版丛书

天

地

人

物

事

理

法

道

水經注卷十七

後魏酈道元撰

渭水

渭水出隴西首陽縣渭谷亭南鳥鼠山

渭水出首陽縣首陽山渭首亭南谷山在鳥鼠山西

北此縣有高城嶺嶺上有城號渭源城渭水出焉三

源合注東北流逕首陽縣西與別源合水南出鳥鼠

山渭水谷

案南出近刻訛作出南又谷上行出字

尚書禹貢所謂渭出

鳥鼠者也地說曰

案地近刻訛作他

鳥鼠山同穴之枝榦也

渭水出其中東北過同穴枝閒既言其過明非一山

也

案山近刻訛作水

又東北流而會于殊源也渭水東南流

逕首陽縣南右得封谿水

案谿近刻訛作溪

次南得廣相谿

水次東得其谷水左則天馬谿水次南則伯陽谷水

竝參差翼注亂流東南出矣

東北過襄武縣北

案東北原本及近刻竝作又北考注云渭水常若東南不東北也可證又

乃東之訛

廣陽水出西山二源合注共成一川

案近刻脫其字

東北流

注于渭渭水又東南逕襄武縣東北荊頭川水入焉

水出襄武西南鳥鼠山荆谷東北逕襄武縣故城北
王莽更名相桓漢護羌校尉溫序行部爲隗囂部將
苟宇所拘

案苟近刻訛作苟

銜鬚自刎處也其水東北流注

于渭渭水常若東南不東北也又東泉水注之水出

西南雀富谷東北逕襄武縣南東北流入于渭魏志

稱咸熙二年襄武上言大人見身長三丈餘跡長三

尺二寸

案近刻訛作一寸

白髮著黃單衣巾拄杖呼民王始

語云今當太平十二月天祿永終歷數在晉遂遷魏

而事晉

又東過獮道縣南

右則岑谿水次則同水俱左注之

案近刻脫注之二字

次則過

水右注之

案近刻脫次字

渭水又東南逕獮道縣故城西

案近

刻脫又字縣字

昔秦孝公西斬戎之獮王

案此下近刻脫有于此二字

應劭

曰獮戎邑也漢靈帝中平五年

案近刻脫中平二字

別爲南安

郡赤亭水出郡之東山赤谷

案近刻脫郡之二字

西流逕城北

南入渭水渭水又逕城南得粟水水出西南安都谷

東北流注于渭渭水又東新興川水出西南鳥鼠山

二源合舍東北流與彰川合水出西南谿下東北至

彰縣南本屬故道侯尉治後漢縣之永元元年和帝

封耿秉爲侯國也

案近刻脫和字

萬年川水出南山東北流

注之又東北注新興川又東北逕新興縣北晉書地道記南安之屬縣也其水又東北與南川水合水出西南山下東北合北水又東北注于渭水渭水又東逕武城縣西武城川水入焉津源所導出鹿部西山兩源合注東北流逕鹿部南亦謂之鹿部水又東北昌丘水出西南丘下東北注武城水亂流東北注渭水渭水又東入武陽川又有關城川水出南安城谷

水出北兩川參差注渭水

案兩近刻訛作丘

渭水又東有落

門西山東流三谷水注之

案有近刻訛作與又谷上衍府字

三川統

一東北流注于渭水有落門聚昔馮異攻落門未拔

而薨建武十年來歙又攻之擒隗囂子純隴右平渭

水自落門東至黑水峽左右六水夾注左則武陽谿

水次東得土門谷水

案次東近刻訛作東門

俱出北山南流入

渭右則溫谷水

案近刻則下衍有字又脫水字

次東有故城谿水次

東有閭里谿水亦名習谿水次東有黑水竝出南山

北流入渭渭水又東出黑水峽

案原本及近刻竝脫峽字今據下文補

歷冀川

又東過冀縣北

渭水自黑水峽至岑峽南北十一水注之

案十一近刻訛作一

十北則溫谷水

案此下近刻有注之其水四字

導平襄縣南山溫谿

東北流逕平襄縣故城南

案近刻脫故字城南訛作南城

故襄戎邑

也王莽之所謂平相矣

案近刻訛作之謂平襄縣矣

其水東南流

歷三堆南又東流南屈歷黃槐川

案流下近刻衍梗而字歷訛作入

津渠冬則輟流春夏水盛則通川注渭次則牛谷水

案近刻作

午谷水

南入渭水南有長塹谷水次東有安蒲谿

水次東有衣谷水竝南出朱圉山山在梧中聚有石

鼓不擊自鳴鳴則兵起漢成帝鴻嘉三年天水冀南

山有大石自鳴聲隱隱如雷有頃止聞于平襄二百

四十里野雞皆鳴案皆近刻訛作自石長丈三尺廣厚略等

著崖脅案著近刻作在去地百餘丈民俗名曰石鼓石鼓鳴

則有兵是歲廣漢鉗子攻死囚盜庫兵略吏民衣繡

衣自號爲仙君黨與漫廣明年冬伏誅自歸者三千

餘人信而有徵矣案近刻脫矣字其水北逕冀縣城北秦武

公十年伐冀戎縣之故天水郡治王莽更名鎮戎縣

曰冀治漢明帝永平十七年改曰漢陽郡城卽隗囂

稱西伯所居也後漢馬超之圍冀也

案近刻脫漢字

涼州別

駕閭伯儉潛出水中將告急夏侯淵爲超所擒令告

城無救伯儉曰大軍方至咸稱萬歲超怒數之伯儉

曰卿欲令長者出不義之言乎

案義近刻訛作利

遂殺之渭

水又東合冀水水出冀谷次東有濁谷水

案近刻次脫有字

東有當理谿水次東有託里水次東有渠谷水次東

有黃土川水

案近刻脫有字

俱出南山北逕冀城東而北流

注于渭

案近刻脫注字

渭水又東出岑峽入新陽川逕新陽

下城南谿谷赤蒿二水竝出南山東北入渭水渭水

又東與新陽崖水合卽隴水也東北出隴山其水西

流石逕瓦亭南

案流下近隗囂聞略陽陷使牛邯守刻衍隴字

隗囂聞略陽陷使牛邯守

瓦亭卽此亭也一水亦出隴山

案一近刻訛作其

東南流歷

瓦亭北又西南合爲一水謂之瓦亭川西南流逕清

賓谿北又西南與黑水合水出黑城北西南逕黑城

西西南流莫吾南川水注之水東北出隴垂西南流

歷黑城南注黑水黑水西南出懸鏡峽又西南入瓦

亭水

案近刻作川

又有澍水自西來會

案來近刻訛作東

世謂之

鹿角口又南逕阿陽縣故城東中平元年北地羌胡

與邊章侵隴右漢陽長史蓋勲

案史近刻訛作吏

屯阿陽以

拒賊卽此城也其水又南與燕無水合水源延發東

山西注瓦亭水瓦亭水又南左會方城川西注瓦亭

水瓦亭水又南逕成紀縣東歷長離川謂之長離水

右與成紀水合水導源

案此三字近刻作源導二字

西北當亭川

東流出破石峽津流遂斷故瀆東逕成紀縣故帝太

皐庖犧所生之處也漢以爲天水郡縣

案近刻脫郡字

王莽

之阿陽郡治也又東潛源隱發通入成紀水

案入近刻訛作

之東南入瓦亭水

案近刻作川

瓦亭水又東南

案瓦亭水近刻作川

水與受渠水相會水東出大隴山西逕受渠亭北又

西南入瓦亭水

案近刻作川

瓦亭水又西南流

案瓦亭水近刻作川

水歷僵人峽路側巖上有死人僵尸巒穴故岫壑取

名焉釋輦就穴直上可百餘仞石路透迤劣通單步

僵尸倚窟枯骨尚全惟無膚髮而已訪其川居之士

云其鄉中父老作童兒時

案近刻訛作兒童時

已聞其長舊傳

此當是數百年骸矣其水又西南與略陽川水合水

出隴山香谷西西流右則單谿西注左則閤川水入

焉案閭近刻訛作閭脫川字其水又西歷蒲池郊石魯水出東南

石魯谿西北注之其水又西歷略陽川西得破社谷

水次西得平相谷水又西得金里谷水又西得南室

水又西得蹠谷水竝出南山北流于略陽城東揚波

北注川水又西逕略陽道故城北堊渠水出南山案

近刻訛作渥北逕堊峽北入城建武八年中郎將來歙與

祭遵所部護軍王忠右輔將軍朱寵將二千人皆持

鹵刀斧自安民縣之楊城元始二年平帝罷安定滹

沱苑以爲安民縣起官寺市里案元始二年至此乃注內之小注近刻元

始訛作永始平帝訛作成帝滹沱作呼他從番須回中伐樹木開山道至

略陽

案從番須回中本直接上自安民縣之楊城夜

襲擊囂拒守將金梁等

案近刻訛作拒守將軍金梁城等

皆殺之因

保其城隗囂聞略陽陷悉眾以攻歙激水灌城光武

親將救之

案近刻脫此二字

囂走西城世祖與來歙會于此

其水自城北注川一水二川蓋囂所竭以灌略陽也

川水西得白楊泉又西得蒲谷水又西得蒲谷西川

又西得龍尾谿水與蒲谷水合

案蒲近刻訛作渭

俱出南山

飛清北入川水川水又西南得水洛口水源東導隴

山西逕水洛亭西南流又得犢奴水口水出隴山西
逕犢奴川又西逕水洛亭南西北注之亂流西南逕
石門峽謂之石門水西南注略陽川略陽川水又西
北流入瓦亭水瓦亭水又西南出顯親峽石宕水注
之

案宕近刻
訛作巖

水出北山山上有女媧祠庖羲之後有

帝女媧焉與神農爲三皇矣其水南流注瓦亭水瓦

亭水又西南逕顯親縣故城東南漢封大鴻臚竇固

爲侯國自石宕次得蝦蟆谿水次得金黑水

案近刻
脫次字

又得宜都谿水咸出左右參差相入瓦亭水又東南